

Uunga siunnersuut: Pisiniartarnej pillugu Kalaallit Nunaannut aaqqiissutitut inatsisip allangortinneqarnissaata atuutinneqalernissaanut Namminersorlutik Oqartussat oqaaseqaataat pillugit Inatsisartut aalajangiiffigisassaannut.

Akissuteqaat

(Inuussutissarsiornermut Aatsitassarsiornermullu Naalakkersuisoq)

Aappassaaneerera

Pisiniartarnej pillugu Kalaallit Nunaannut aaqqiissutitut inatsisip allangortinneqarnissaata atuutinneqalernissaanut Namminersorlutik Oqartussat oqaaseqaataat pillugit Inatsisartut aalajangiiffigisassaattut siunnersuummik Inuussutissarsiornermut Ataatsimiititaliaq akuersaarluni suliarinnissimaneranut Naalakkersuisut qutsavigaat.

Naalakkersuisut ataatsimiititaliaq isumaqatigivaat, pisiniartarnermut inatsit ullutsinnut naleqqunnerusoq niuertunut atuisunullu iluaqutaasumik kinguneqarnerussasoq malittarisassat ullutsinnut naleqqussakkat pigineqarnerisigut.

Naalakkersuisut ilisimatitsissutigisinnaavaat, pineqartumi aaqqiissutitnik atuuttunik ataatsimut katiterineq suliarineqartussaammat. Ataatsimut katiterineq taanna Namminersorlutik Oqartussat kiisalu Kalaallit Nunaanni Atuisunut Siunnersuisoqatigiit nittartagaasigut tamanut saqqummiunneqarumaarpoq.

Aammattaaq Naalakkersuisut naammagisimaaralugu paasivaat, ataatsimiititaliami tamarmiisut isumaqatigiillutik siunnersuutip akuerineqarnissaa inassutigigaat.

Taamatut oqaaseqarlunga Naalakkersuisut sinnerlugit Pisiniartarnej pillugu Kalaallit Nunaannut aaqqiissutitut inatsisip allangortinneqarnissaata atuutinneqalernissaanut Namminersorlutik Oqartussat oqaaseqaataat pillugit Inatsisartut aalajangiiffigisassaattut siunnersuutip akuerineqarnissaa inassutigissavara.